

# مستشرقان

طبع و محل اداره :

م. ل. اوغمنده امنیت  
 سندوخی جوارنده  
 شکول بقوشنده  
 ۲۲ نومرو

سلک. زه موافق آثار  
 جدیده مع المنونبه  
 قبول اولنور

درج ابدله بن آثار اعاده اولنور

دیر ، فلسفه ، علوم ، معنوی ، ادبیات تاریخ ، و سیاسیامردنه و بالخاصه احوال و مشورنه اسلامیه و بحث ابرو و هفته ده بر نشر اولنور.

صاحب و مؤسسلری :

آبونه بدلی

در سعادتده نسخهنی ۵۰ یا ۱۰۰

ابوالعلا زین العابدین - ح . اشرف ادیب  
 تاریخ تاسیسی

قبیله دن مقوا بورو ابله کوندریلمیره سنوی

۲۰ غروش فضله آلدر

۱۰ تموز ۳۲۴

سنه لکی	التی آیلنی	غروش
۶۵	۲۵	۲۵
۶۰۰	۲۰۰	۲۰۰
۱۷	۹	۹

یدنخی جلد

۱۵ کانون اول ۱۳۲۷

۷ محرم الشریفه ۱۳۳۰ یخشنبه

عدد : ۱۷۳

اوروپا حکومتلریک وبالخاصه انکلتزه خارجیه ناظرینک قلبی وجودینک صاغ طرفنده بولمیش اولدیغنه اینامق لازم کایر . . .  
ارتق حقیقتک بوتدر ترجانی اولان موسیو مورغان شوستر شو افادسیله سیاست دوايهنک باخصوس اوروپا محیطندکی ال بیوک بررکنی بیان ایتش اولیور .

بنابرین عالم مدینتی تدھیش ایدن منافع خسیسه نتیجه سنده مسلمانلره روا کوریلان بواضا لال پیلانلری مدینک غرب محیط اجتماعیسنده اختراع ایدیش بر سیاست ظالمانه ديه تلقیب ایتمکن بشقه چاره بوقدر .  
ارتق تصبک اوروپاده درجه افراطنی ا کلامق ایچون پاپانک مقدس تسبیحلری ایتالیا زرهایلرینک دیرکارینه تعلیق ، آوستریانک ده مایسورلره مناسبات مذهبیسنی وسیله مداخله اتخاذا ایدرک قتولیکک نقطه نظرندن حمایه قالمشیمی بزم ایچون عبرت بخش بر درس تشکیل ایتسه کرکدر .

ظن ایدسه بوقدر براهین واضحه یه نظراً شرق مسئله سنک بر دین ومنفعت غوغاسندن عبارت اولدینی و ایصوفیه قبهسنی ناقوس صدالریله دولدورمق ارزو ایدیلدیکی ا کلاشیلیر .

السید محمد الطاهر

### پانسلا میزم

عرب ادباسندن خیراه نام ذات پانسلا میزم حقدنه ( ) غزته سنده یازدینی بر مقاله ده بوجه آتی بعض معلومات ویریور :  
« پانسلا میزم ) فکری بالخاصه ( ۱۸۳۹ ) سنه سنده افغانسته تولد ایتش اولان جمال الدین افغانی نام ذات طرفندن نشرر تعمیم ایدلمشدر .  
مومی الیه اورونک بر چوق ملکیتی طولاشدندن صکره استانبوله کلهرک ( ۱۶۹۷ ) سنه سنده پوراده وفات ایلشدر . حتی پارسده بو مقصد ایله بر غزته نشر ایلش ایسه ده بالآخره انکلتزه نك مداخله سی نتیجه سی اوله رق قیادلمشدر .

حقیقت شوندن عبارتدرکه الیوم هیچ بر مدبره مالک اولمیان پانسلا میزم ، عمومی بر ساحه ویالکزر محررلر ایله مطبوعاتک دائرة تدقیقاتنده قالمشدر . اسلام مطبوعاتک قسم اعظمی تشکیل ایدن عرب غزته لری بتون کره ارضده حس اولنه جق درجه ده تعمیم ایلشدر .  
اسیا ، آفریقا ، آمریکا واوروپاده وحی اوقیانوسیاده یکدیگرینه غیر مساوی مقصدارده عرب جراندی موجوددر . الیوم حال ابتدائیده بولنان بوغزته لرک هم فواندی وهم ده محاذیری واردر . جراند مذکورده ده یگی حوادث بولنیور ایسه ده بولنر هم نفسلرینه حاکم بولنمده وهم علی الاکثر افکار عمومی بی وجوده کتیر مکده درلر . شیخ عبده نک حین وفاتنده تلیدلرینه توصیه ایلش اولدینی پانسلا میزم اوج واسطه اجراییه یه مالک اولوب بولنده قونغره ، مطبوعات و تعلیم وتدریسندن عبارتدر .  
بالجمله مسلمان عناصری جامع اولق اوزره بر قونغره تأسسی ، هر زمان

پانسلا میزمک اخص مقاصندن برنی تشکیل ایلشدر . ایلك تصور ایدیلن پانسلا میزم قونغره سنک عقدا ایدیله مدیکی یوقاریده ذکر ایدلمشدی .  
بر قاچ سنه اول قریمده باغچه سرایده منتشر ترجان غزته سی مدیری اسماعیل غاسپر نسکی قونغره نك مصرده انقادینی تکلیف ایتدی مصر لیلر تکلیف واقعی کمال خواهشله قبول ایدرک بتون عالم اسلامه دعوتنامه لر کوندر مشلر سه ده یوم معینده کیسه قونغره ده حاضر بولندی .

مصرده منتشر ( منار ) غزته سنک صوک نسخلرندن برنده دخی یکی بر قونغره عقدینک مذکور غزته محارلرندن بری طرفندن تکلیف ایدلدیکی کوردم . بو تصورده حسن نیتک عدم موجودیتندن دکل ، تشبث واقمک مشکلات مادیه سندن طولایی موقع اجراییه وضع ایدیله میه جکدر .

ایکنجی واسطه اولان مطبوعات ده پانسلا میزم فکریک فوق العاده تر قیسنه بادی اولمقددر . بتون کره ارض اوزرنده انتشار ایدن اسلام غزته لرنده بو تمایل موجود اولوب جراند مذکور هر طرفه نشر ایدلمکده در . بر غزته ویا خود بر مجموعه نك محتویاتی تدقیق ایدلدیکی زمان اوروپا موجودیتندن بیله شبهه ایدیلن عرب جراندینک اهمیتی باعث حیرت اولور . بولنر تاریخ اسلامه ، علمه ، عنعنات قدیمیه عائد بر چوق معلوماتی جامع بولنمده و عربستان ، اوقیانوسیا ، هندستان و آمریقادا اوقونمقددر . بتون کره ارض اوزرنده بولنان مسلمانلر آرسنده مطبوعات سایه سنده تأسس ایدن بو مظاهرتی مثبت ده بر چوق مثال ذکر ایدیله بیلور .

اوپنجی واسطه اجراییه ده تعلیم و تدریسدر . بالجله عالم اسلامده بر حمای تدریس ، بر عطش علم و عرفان آثاری کورلمکده در . هر یرده یکیدن مکتبلر تأسس ایدلیدی کورولیور . یقین وقته قدر سوریه نك بتون شهرلرنده دیوارلرده شو سوزلر کورولیور دی :

« اوکرن دلیقانی ، جهالت خجالتدر . » فقط پانسلا میزم یالکزر ابتدائی مکتبلرک دکل ، بلکه دارالفنونلرکده تأسسی آرزو ایدییور .  
جامع الازهر دارالفنونی تجدید وایجابات حاضره مدنیه درجه سنه اصعاد ایدلدیکی صره ده بری مصرده و دیگر دیه هندستانده ده ایکی دارالفنون تأسس اولنیور . کچنلرده سوریه ده دخی بر مسلمان دارالفنونی وجوده کتیرلمسی موضوع بحث اولش ایسه ده بوبابده شمدی به قدر قطعی اوله رق هیچ بر شی یا بلدی .

هندستان مسلمانلری میانده کی ترقیات بالخاصه احمد خانک اثر همتیدر .

کلکته و بومهای شهرلرنده تربیه اسلامییه متعاق قونفرانسلر ویرلمکده در . آلیغارده بر مسلمان دارالفنونی وجوده کتیرمک ایچون ایجه زماندن بری چالیشان راجه محمود آباد دخی حکومتک موافقتی استحصال ایلشدر .

اوقیانوسیا مسلمانلری صوماتراده بر مسلمان مکتبی تأسس ایتشلردر ، جاواده دخی عربجه غزته لر نشر اولنیور . فقط پانسلا میزم حیاته نك

عموم اعضای مجلس مبعوثان نامنه رئیس احمد رضا بك طرفندن  
عرض اولنان تبریکاته جوابآده :

بك محظوظ اولدم. بتون رفقا كرك وفاق و حسن آمیزش  
ایله ایفای وظیفه ایلمرینی ایستورم. بوکا سزده بذل همت  
ایدیکز. « بیورمشلر و بوسرهده اعیان رئیس غازی مختار پاشاحضره  
تلیینه توجیه خطابه : « بالطبع هیئت اعیانجهده بویولده صرف  
مساعی ایدیور « جملهسنی ده علاوه ایلمشردر ،

### مجلس مبعوثان ریاسته

هندستانده کائن قانکوتهدن وارد اولان تلغرافدر ؛  
عالم اسلامیت، اختلافات داخلیه ترك ایله دارالاسلامك محافظهسنی  
مقام خلافت عظامدن بکایورلر ، متینغ حائنده بولنان بورا مسلمانلری  
سرك خبرلرکزی حجات عمیقہ ایله آلهرق بك متأثر ومکدر اولیورلر  
وهیجاندهدرلر ،

خداورسولی عشقنه ، وطنپرولک نامنه اختلافندن فراغت ایدرولک  
خلافت اسلامیه بی فلاکتدن وقایه ایتمکزی و دارالاسلامی دشمنه  
چیکنتمه مکزی رجا ایدیورلر ،

۲۲ گانون اول ۱۹۱۱

عارف زهر اوردی

### ایران دولت اسلامیه سی ده منقرض اولیور

تبریزده کی ( انجمن ایات ) طرفندن درسعادتده ( انجمن سعادت ) هیئته  
کشیده اولنان تلغرافنامهدر :

ذی الحجه نك یکریمی طقوزنجی کونی تبریزده کی روسیه عساکری  
قصبه داخلنه هجوم ایله اماکن امیرییه بی ضبط ایتدکن ماعدا مکتب  
چوچقریله کوچی قوتی اولیان عمل مانده آدملرک قتلنه تصدی وشهرده کی  
دکانلری یغما ایتمک مبادرت ایلمشردر . اهالی بادی امرده اختیار  
سکوت ایدرک اعتدال دملرینی محافظه ایتمک ایستمشلرسده ، اخیراً  
روسارک توالی ایدن ظلم و وحشتلری اوزرینه مدافعه ایدرک بونلری  
اماکن امیریه دن طرده موفق اولمشردر .

محرمک ابتداسنده روسلر اقامت ایتمکده اولدقلری ( باغ ) دن  
قصبه بی بومباردمان ایتمک باشلایهرق آن بان اهالینک هیجانی تحریک  
وتزییده سبیت ویرمشردر. یوم مذکورده طهراندن آلتان امرتاغرافی  
موجبجه اهالی متارکیه تشبثله مدافعه دن صرف نظر ایلدکلری حالده  
مع اتأسف روسلر تجاوز و تبدیلرندن واز کچیوب بومباردمانه دوام  
ایلمشردر . بوندن بشقه روس عساکری کندی قونسولاتولری  
جوارنده تجمع ایدرک کلن کچن چولوق چوچق ، اختیار ارکاک  
وقادینلره قورشون آتمشلر وپک چوق بیکنهاک جائه قیمشلرور .

زیاده موافق وکزیاده شایان حیرت اولان تصورشیخ عبده نك طلبه سی  
بولنان شیخ رشید رضا طرفندن تأسیسی تصور اولنان دارالفنوندر .  
مومی ایله ( الدعوة والارشاد ) دنیلن جمعیتک معاوتیله مصرده بر  
مدرسه و برده اسلام دارالفنونی میدانه کتیرلمسی ایچون لازم کلن  
اساسلری وضع ایتمشدر. پانسلا میزم یالکز اتحاد و اتفاق صورتیله کندی  
محافظه ایچون دکل بلکه ده زیاده توسع ایچون دخی قوت بولمقدهدر.  
حقیقت شوندن عبارتدرکه اسلامیت آفریقای مرکزیده کیتدکجه  
توسع ایتمکده و ده زیاده انکشاف ایدهبیلهجک بر حالده بولمقدهدر .  
الیوم غایت قوتلی بعض تظاهرات دینیله مشهور اولیور. برای حج شریف  
مکه مکرمه یه کلنلرک مقداری ( ۷۰۵۰۰ ) کیشیدن ( ۱۷۰۴۰۰ ) کیشی یه  
بالغ اولدینی کوربیلور . مصردن کچن حجاجک مقداری ( ۱۶۰۰۰۰ )  
درجه سنه کلشدر . یالکز دینی اولان پانسلا میزمدن بشقه دیانته تعلق  
ایتمن دیکر بر پانسلا میزم دخی موجود اولوب ، بومدنیت شرقیه اسلامیه بی  
بتون لطافت و دبدبسیله یکیدن میدانه کتیرمکه ساعی بولمقدهدر . بر  
چوق خرسیتیان محررلر دخی فکر مذکورک میدانه کلمسی ایچون  
چالشمقده ایسه لرده بونی اصل دینی اولان پانسلا میزم ایله قاریشدر مامق  
لازمدر . «

### عالم اسلام قانلر ، آنشدر ایچنده

دارالخلافةده

مبعوثانلر پوست قاوغاسی ایدیور ،

### نصیحت شاهانه

عموم وکلا نامنه صدر اعظم سعید پاشا حضرتلری و مجلس نامنه  
اعیان و مبعوثان رؤسای طرفلرندن ذات حضرت پادشاهی یه سنه جدیده  
هجریه مناسبتیله عرض اولنان تبریکاته قارشلی شوکت مآب افندمز حضرتلری  
زیرده محرر نطق هایون ایله مقابله و نصایحه بولمشردر :

« تبریکاتکزدن ممنون اولدم . سنه جدیده بی بنده جمله کزه  
تبریک ایدرم . ان شاءاه بو سال فرخنده فال مملکت و ملت  
ایچون بادی سعادت اولور . مقصدم سلامت و سعادت حال  
وطندر . بونک ایچون جمله نك متفقاً صرف مساعی ایلمسینی  
آرزو ایدرم . شو آردلق موجود اولان اختلافاتکده ده  
زیاده تمادی ایتمه سنی کورمکه مسرور اولتی املندیم . جمله کز  
اصحاب فضل و کالاتدنسکز . دوام موفقیتکز اخص آمالدر .  
بویله مناسبات متیمنه ایله پک چوق دفعه لر کوروشمکه موفقیتمز  
مجناب حقندن منی ایدرم . «